

湖南褒忠錄初稿

湖南褒忠錄初稟 殉城一

諡文節追贈總督銜湖北巡撫常大澐

侯補道補用知府唐光照

侯補同知周汝翼

常大澐字正夫號南陔衡陽人父英瑚嘉慶辛酉科舉人已已
進士大澐以道光元年辛巳舉於鄉三年成進士改翰林院庶
吉士散館授編修充 國史館纂修改山東道監察御史進工
科給事中吏科掌印給事中巡視西城十七年授福建糧巡道
權按察使陞兩浙鹽運使二十二年署浙江布政使遷安徽按
察使乞養回籍丁母憂服闋起湖北按察使遷陝西布政使調
湖北咸豐元年擢浙江巡撫二年調湖北巡撫督辦防堵大澐

歷仕多惠政權閩臬時晉江令報獲洋盜解省三百八十餘犯
總督欲槩置重典大漚謂中多脅從所全活近三百人司獄積
囚滿大漚言於總督曰囚不皆死罪而獄滿無隙地夏令染疫
且死是罪不至死而我悉殺之也乃竭月餘之力分別定擬流
遣省釋囹圄一清在浙江羣盜自廣東山東江南沿海劫掠駛
至浙洋大漚檄黃巖温州乍浦三鎮督兵巡緝而水師積罷數
月不報大漚疏劾三總兵令帶罪緝拏尋親赴甯波與提督會
辦盜懼納欵許赦其罪遂繳船礮投誠凡五旬事定其量移湖
北也以六月抵武昌七月兼權學使旋赴岳州設水陸隘卡八
月調撫山西仍留湖北任九月以倡捐軍餉 賞花翎時粵賊

犯長沙布僞示崇通各屬土匪蠡起有議暫停文武鄉試者大
漙不可遂疏請調兵嚴守岳州咨湖南大營分兵守岳防賊下
竄而湖南重兵皆宿省垣不遑他顧北省精銳亦已調赴長沙
其分防岳州要隘者僅千餘人大漙再請調陝甘精兵三千而
岳州土匪王萬里等糾黨千餘聚桃林肆掠刼大漙檄防兵至
新牆勦之萬里逃而粵賊已由甯鄉益陽出臨資口矣先是大
漙議設水陸卡時巴陵紳士吳士邁以土星港最扼要乃排釘
木椿中容一船魚貫以通出入練漁勇守之于時貨船雲集皆
沮於卡不得行及賊出臨資口漁勇潰船悉爲賊有水陸並下
趨武昌時十一月初旬也武昌兵纔二千餘人提督雙福急調

各卡防兵守城合之不滿五千又分兵五百守漢陽部署甫定賊船至水師接仗不利漢陽遂陷陸路賊由岳州陷蒲圻直撲省城漢陽賊作浮橋渡江合圍之大湊與雙福率官民竭力堵禦獲木梯五百餘架時出奇兵縋城攻賊不備是時提督向榮自湖南來援距城十餘里爲賊所格不能前大湊前後告急十餘次皆不報十二月四日地雷發城陷大湊奮起領練勇登城堵禦轉戰至大東門左右止數十人皆受創遂與長子集松武巡捕楊文先馬登雲同被害大湊妻劉氏長子婦馬氏孫女淑英並自縊死僕婦僱工婢女從死者十餘人居民瘞大湊屍於街後土中爲暗識焉明年正月四日賊遁入日得屍殮之面如

生年六十

詔贈總督銜照總督陣亡例賜卹入祀昭忠祠祭葬如例子
謚文節以騎都尉兼一雲騎尉世襲復奉

旨於湖北建專祠殉難家屬祔祀焉所著有歷官日記功過隨
錄采蘭文集通鑑摘要七經精義粹編烏臺奏草各若干卷皆
燬於賊子四長松集都司銜同時殉難

恩卹如例

唐光照零陵人附生入貲爲同知發浙江試用初署東海防同
知海潮至光照率眾搶護有功加知府銜旋捐貲辦理東塘石
塘坦水諸工當事奏以知府卽真格於議咸豐二年補西海

防同知粵匪事起巡撫常大瀄調湖北光照以才受知大瀄
奏調赴鄂籌防堵事光照復入貲爲道員八月賊犯長沙湖北
戒嚴時武昌精兵悉赴湖南會城無重兵光照日夜籌畫十一
月九日賊撲武昌光照出貲募勇與眾文武分城而守光照守
小東門城十二月四日城陷巡撫以下皆死之光照力戰遇害
狀聞奉

旨照遊擊例議卹 給世職如制

周汝翼字嘯臯善化人監生援例爲福建布政司庫大使再入
貲爲同知暎夷不靖當事命汝翼辦理軍務事竣加升銜選四
川成都府同知會臬司胡興仁與汝翼爲姍姍例宜迴避改湖

北旋以憂歸咸豐二年服闋赴鄂則粵賊漸逼武昌矣先是七月賊犯長沙士紳多避之他省汝翼亦挈眷赴任所已而賊圍武昌巡撫常大湊命文武各官登城防守汝翼督兵勇日夜堵禦十二月四日城陷弟婦郭氏長子取新子婦諸氏皆投水死汝翼在城抵禦賊大至遇害主僕同時殉難者十七人事聞贈道銜予世職如例

謚忠烈贈總督安徽巡撫兼提督江忠源

池州知府陳源亮 候選同知直隸州鄒漢勳 含山

縣知縣楊昌拔

江忠源字常孺號岷樵新甯人父上景歲貢生忠源生而英達

好讀經世書道光十七年充縣學拔貢生本科舉於鄉自是恒
客都門與當世賢士大夫遊刻意問學以名節自砥厲甲辰大
挑二等歸里念天下亂將起楚粵之交山谷阻深奸民櫟牙其
間新甯民猺雜處又與廣西五排連乃集諸父老爲團練法陰
以兵法部勒其眾未幾而邑土匪雷再浩習青蓮教陰結粵西
奸民李世德及新甯李尙開陳新進等爲逆謀黨與日盛忠源
爲文備述嘉慶初川楚教匪伏誅始末諭邑中子弟解散甚多
復告縣令李博許其黨自首免坐雷再浩慮事洩黨散遂反掠
近村忠源請於令率團丁二百與把總方開甲合勦值賊大出
擊走之焚其巢賊竄粵西梅溪口大埠頭諸處誘脅鄉民勢復

熾忠源督團丁守要隘屢擊敗之尋入城助官居守一夕報賊至眾驚擾忠源宿縣署堅臥不動頃之獲賊諜二人有小木牌上書柳火二字忠源曰此約十八日卯時舉火也急斬之人心稍定時長寶道楊炳堃總兵英俊下縣辦賊欲調鎮筸兵忠源以爲不足動大眾炳堃曰爾能獨任此乎忠源曰能議遂止忠源督團丁四面攻之與邑文生蔣啓華設間誘賊黨縛再浩出事遂定不數年又有李沅發之變方雷逆未獲當事懸萬金購之事平忠源以所得金爲修城資總督裕泰上其功賞戴藍翎以知縣用道光二十九年揀發浙江浙有巨盜數十分布州縣伺間劫掠捕急則跳匿海上忠源一一計擒之時浙大水忠

源署秀水知縣設賑濟招流亡懲奸猾又以民俗奢侈躬節儉爲之倡在官九月事大治民忘其災未幾補麗水縣咸豐改元詔中外各舉所知侍郎曾國藩特疏薦得

旨赴部引見會海塘壞巡撫吳文鎔奏留辦工閱四月工竣而忠源以父喪歸秀水民斂金爲賻卻不受吳文鎔歎曰賢如江令可令其貧無以歸歸無以葬耶適移督雲貴遂於浙庫借雲貴總督養廉銀五百兩畀之戒勿辭忠源感其意泣受之營葬甫畢而廣西寇事棘大學士賽尙阿聞忠源名奏調軍前差遣時廣州副都統烏蘭泰方在軍慷慨負氣與他將領多不協一見忠源深相引重敘其勞請以同知直隸州升用 賞戴花翎

又以所練新甯團丁可用屬自將五百人爲一軍號楚勇湖南
湘勇出境討賊自此始時賊踞永安州城楚勇至營城南敝衣
槁項各軍皆匿笑賊以其新至撲之楚勇堅壁不出俟賊逼外
壕更許乃縱擊之斬悍賊二百餘烏蘭泰謂諸將曰若笑楚勇
不耐戰今何如侍衛開隆阿者善射多奇中常射虎數十軍中
號打虎將其人勇而寡謀忠源長揖過之開疑其輕己一日與
賊戰被圍矢且盡忠源登高岡望見之曰必開公也怒馬馳救
之並轡而歸遂握手飲極懽永安城小而固官軍圍之金田賊
盡聚一城人數不及萬官軍數倍之廣西提督向榮謂圍城缺
一隅乃相傳古法須縱賊出而殲之忠源烏蘭泰力爭不得烏

兵向積不相能忠源爲言廉頗藺相如事解之已而病作遂請
假歸咸豐二年四月賊果由北路竄官軍追至大衝口四總兵
敗歿賊趨犯桂林忠源聞之力疾起捐貲募勇千人與邑拔貢
劉長佑倍道赴援而烏蘭泰已中礮歿於軍忠源抵桂林營於
東岸鷓鴣洲三戰皆捷賊旋解圍趨全州分黨扼盤石腳斷援
軍忠源不得進城陷被屠賊掠民船數百載逆屬及金帛子女
將順流犯長沙忠源於下游簑衣渡伐木作堰連營西岸力扼
之鏖戰兩晝夜僞南王馮雲山中礮死輜重盡喪忠源急請主
兵者營東岸斷賊旁竄主者猶豫未決賊果棄船由東岸走道
州前湖南提督余萬清棄城走城遂陷賊踞城月餘各處賊均

響應勢復張旁擾江華甯遠嘉禾諸縣境趨桂陽州忠源追及之前隊把總邢虎臣戰歿忠源繼進大破賊於城下賊棄城走陷郴州據之忠源與諸軍壁其三門相持月餘不下時長沙議於南關外築外城未果則設卡十里外之石馬鋪賊首蕭朝貴訶知之率死黨由永興茶陵醴陵疾馳至僞爲江西援兵七月二十七日抵石馬鋪殲卡兵省垣乃急閉城比忠源與總兵和春追至而賊已踞城南外及小西門外市廛爲窟穴矣當是時巡撫駱秉章候代未去與幫辦軍務前湖北巡撫羅繞典提督鮑起豹登陴固守已而蕭朝貴中礮斃攻稍懈城東南天心閣外地勢高賊已建柵築壘據其半忠源望見驚曰賊據此省會

危矣急率所部與賊戰死傷者二十餘人忠源據胡牀督戰益急賊稍退遂促移壘和春亦督所部繼之壘成近逼賊巢其汲一井擊析聲相聞自是長沙止南門及西南兩角受敵而賊巢背水面城後雖大隊踵至無能爲矣賊自簑衣渡敗後恨忠源刺骨一日與賊戰有數賊伏叢冢間挺矛刺之傷腓墜馬步卒滕加勝急以矛格賊刺賊死餘乃驚遁新巡撫張亮基以監輿繼忠源入署養傷就詢方略時賊首洪秀全楊秀清等率大隊自郴州至勢益張忠源謂賊聚南門西阻江岸東至天心閣迤南至新開鋪皆官軍營壘賊固自趨絕地惟所奪民船尙多慮其渡江築壘圖他竄宜以一軍西渡扼土牆頭龍回潭之要漸

逼漸近可盡殲也亮基諱其言咨總兵常存馬龍等率所部西渡皆莫敢前而土牆頭遂爲賊踞石達開復渡湘而西築數大壘留賊屯江中水陸洲爲聲援向榮擬先剿之九月十九日進攻失利遊擊蕭逢春都司姬聖脈戰歿士卒死者千餘亮基憤甚擬自督兵赴龍回潭禦賊西竄忠源力贊之擬先率所部築壘並請檄寶慶湘鄉各團練會遏西路會賊所穿地道十數均抵城根亮基令緹壯士下城鑿外壕破其七入而城上夜深猶時聞鋤鑊聲更調副將瞿騰龍鄧紹良率勁卒八百入城爲遊兵備緩急九月二十九日魁星樓側地雷發城圯數丈鄧紹良堵之十月初二日城外金雞橋地雷發和春堵之忠源仍請巡